

► Micheal Saladin "Mighty Mike" cu e tema "Mexi Can Swing" Ta bai den forma unanime cu e titulo di Road Jam 2003 di Magic FM



For di dia cu a wordo anuncia e tema nan cu a bai e gran final di di Roadmarch y Mighty Mike a keda afo hopi hende a keda soprendi cu esaki a pasa. For di e Diaranson anochi aki den Bonaire Club tur stacion di radio a cuminsa draai e tema aki masha hopi mes. Dia nan a cuminsa pasa y mas e tema aki a cuminsa sona, pero hopi fuerte. Den e caso aki Dushi

Band cu ta compana Mike a drenta studio di grabacion p'asina presenta e tema aki den su miho forma. Awel esaki a bira un tema cu no tabata falta na ningun stacion di radio, programanan di Carnaval, centro nan di grupo nan di carnaval y asina nos por sigui menciona.

Tabat increibel con grandi e fuerza di e tema aki a bira, e



mesun Mike mes nunca a spera esaki y pa mas di un ocasion a señala cu e no ta prepara pa esaki.

Ta lider di grupo y comerciante e ta, e no ta cantante. Mas e dianan ta pasa y mas tabata e sòlicitud p'e presenta cu e banda of cu pista pa presentacion nan priva.

Asina dia a sigui pasa cu



grandi y chikito tabata "Ariba abajo" cu e tema aki cu a haña un sin fin di number.

Pa mas di un ocasion despues di parada nan mike su stem tabata bai, pero asina mes cu stropi chineez, lamunchi, honing combina cu tee esaki tabata bin bek. Pa Mike esaki ta un expreniencia unico p'e pa gana e titulo di RoadJam.

Cu si e tabata sinti competencia esey ta sigur mirando cu e ultimo dia nan aki Wine and Slide di Lady "V" tabata hopi serca, aunke mester admitti cu e tema aki ta hopi bon

mes. Migthy Mike hunto cu Dushi Band lo ta den den e agazaho di e celebracion di dia di Aruba na Hulanda otro siman... Riba e combinacion di foto nos ta ilustra momento cu Micheal Saladin "Mighty Mike" ta ricibi e trofeo di RoadJam 2003 for di Man di Ivan Kellie Jr. di Magic 96.5 FM hunto cu Ruben Garcia den e programa Riba Bao.

Tambe foto di e cantantenan di Dushi Band durante parada grandi.....!!! Un danki special na Jason Isenia y Salvi pa e foto-shot nan.

